

## ZAPISNIK

sa 20. sjednice Upravnog odbora – tematska sjednica za ski trčanje i biatlon  
Skijaškog/Smučarskog saveza Bosne i Hercegovine, održane 13.09.2017. godine u 17.00 sati  
u prostorijama Ski saveza BiH u Sarajevu

**Prisutni:** Đelal Hasečić, Miro Đukić, Milovan Jevtović, Jasmin Mehić, Vladimir Lučić, Zdravko Lasica i Ismar Biogradlić članovi Upravnog odbora, Jelena Dojčinović Generalni sekretar, Goran Mumović, predsjednik Biatlon komisije, Zoran Škipina, član komisije za Ski trčanje, Goran Santrač, član komisije za ski trčanje.

**Odsutni:** Mario Laikert, Radenko Pekić, Kenan Jažić i Muris Pozderac.

Miro Đukić kao novi predsjedavajući je otvorio tematsku sjednicu, zahvalio se na dolasku svim prisutnima te dao riječ Zdravku Lasica koordinatoru za biatlon da uvede sve članove u temu.

Zdravko Lasica je rekao da je zajedno sa Jelenom Dojčinović pripremio materijal za ovu sjednicu, kako bi pokušali doprinjeti razvoju biatlona. Dojčinović je pojasnila da taj materijal nije dostavljen članovima Upravnog odbora već im je dostavljen materijal koji je došao od strane Biatlon komisije. Lasica je rekao da tu neće biti puno odstupanja i da nije problem, da će on samo ubaciti nekoliko stvari. Kao prva tačka rasprave treba da bude razvoj biatlona.

Lični stav Lasice je da je biatlon zadnjih godina u stagnaciji i što se tiče takmičara i što se tiče rezultata. Reprezentacija biatlona se svela na dva ili tri takmičara. Hitno se treba početi raditi na razvoju biatlona odnosno formiranju mlade reprezentacije jer ćemo u suprotnom ostati bez takmičara. Zatim se bazirao na finansijska sredstva iz prethodnog perioda. Za razvoj je Savez dobio 46.000 KM od IBU za što nisu potrošena sredstva već je realizovano samo oko 7.000 KM. Razlog navođenja ovih stvari je molba Lasice prema UO da se ova razlika finansijskih sredstava vrati na ime razvoja biatlona odnosno u omladinski pogon. Pojedini treneri i oni koji ih prate često znaju reći da UO nema pravo odlučivati o utrošku sredstva od takmičara koji su oni donijeli. Iz tog razloga Lasica se slaže da sredstva koja Savez dobije od IBU na osnovu takmičenja se tako i troše, a da se sredstva za IBU razvoj koja su dobijena apliciranjem i velikom borbom Dojčinović i Lasica na posljednjem kongresu vrate na ime razvoja biatlona. Lasica je naglasio da se treba riješiti da članovi Upravnog odbora ne mogu u isto vrijeme biti i članovi komisija. Po njemu to nije u redu i on će biti protiv toga.

Zatim se obratio prisutnima Goran Mumović, predsjednik biatlon komisije koji se slaže da su rezultati u proteklom periodu bili lošiji nego što je to bio slučaj 2010. godine. Razlog tome je što su mnogi takmičari otišli u ski trčanje jer je u tom sportu daleko lakše ostvariti normu za odlazak na olimpijske igre, dok je u biatlonu to moguće napraviti na samo dva nivoa takmičenja i to svjetskom i IBU kupu. Ipak Tanja Karišik je napravila sjajne rezultate što nikad nije bio slučaj u biatlonu. Tu je i Mladen Plakalović koji je ipak više orjentisan prema ski trčanju. Takođe je istina da postoji velika rupa kada je u pitanju ženska ekipa, jer nema takmičarki. Drugi problem je što se nikad niti u jednom trenutku ne zna sa koliko se sredstava raspolaže. Iz tog razloga je prošle godine i probijen plan a ne budžet jer nisu potrošena sredstva kojih nije bilo. Teško je praviti plan kada se ne zna uvijek koliko će se dobiti. Ono što se dobija od IBU sasvim je dovoljno za pripreme A reprezentacije. Mumović se slaže sa Lasicom da treba raditi na razvoju biatlona, ali je istakao da se biatlon trenira samo u SK Romanija i pomalo u SK Sarajevo-Istočno Sarajevo što je veliki problem. Naglasio je da se u klubovima treba raditi sa djecom barem dok se ne savladaju osnove. Ostali problemi koji se javljaju su nabavka municije, meta, puške, prenos oružja. Mumović je rekao da će komisija napraviti plan i program rada takmičara koji će se pripremati za EYOF 2019 i da je ovo zadnji rok da se sa tim krene.

Milovan Jevtović se slaže sa predloženim planom. Reкао je da je razlog stagnacije rezultata što reprezentacija ne trenira pucanje tokom ljetnog perioda. Neophodno je obezbjediti vježbe gađanja i tokom ljeta, kao što je to nekada bila praksa na Dvorištima. Potrebno je napraviti razgraničenje perspektivnih od neperspektivnih pogotovo u tremanu prema njima. Smatra da takvih takmičara ima popriličan broj ali ne smiju biti izjednačeni sa ostalima. Na kraju je naglasio da se u potpunosti slaže sa Zdravkom Lasica.

Đelal Hasečić je rekao da uz puno uvađavanje kolega i s obzirom da je ovaj zadatak odavno tražen da se uradi ali nije zadovoljan na način na koji je to napravljeno. Očekivao je danas da se će ponuditi konkretan koncept mjera kako kratkročnih, srednjoročnih pa i dugoročnih kako bi se unaprijedio biatlon. Postavio je pitanje da se iz svega rečenog nema šta usvojiti. Potrebne su jasnije mjere kao npr. rješavanje trenera te ostala pitanja, kako oformiti EYOF reprezentaciju, kako riješiti problem sa puškama i municija. Problem je da ako ostanemo na usvajanju ovako širokih pogleda nećemo napraviti korak naprijed bez konkretnih zaključaka. Cilj tematske sjednice je da se analizira stanje, utvrdimo probleme i predložimo kako riješiti iste.

Zdravko Lasica je rekao da se polovično slaže sa Hasečićem te je naglasio da zaključci budu sljedeći: A reprezentacija troši sredstva koja dobija od IBU na osnovu odlazaka na takmičenja i mobiliti paeticipacije, da se novac za razvoj troše za razvoj kako bi se napravila odskočna daska i napravila mlada reprezentacija jer sigurno imamo dobre takmičare koji će za dvije godine biti dobri takmičari i mogu biti u A reprezentaciji. Naglasio je da nema smisla ni da na EYOF-u nemamo barem tri kvalitetna takičara. Predložio je da se napravi strategija za dvije ili četiri godine razvoja biatlona gdje će se ponuditi rješenja svih navedenih problema. U strategiji treba navesti i trenera koji će raditi sa tom mladom reprezentacijom. Na kraju je naglasio da se u ovoj strategiji treba provesti sve ovo što je Goran Mumović naveo. Također treba probati riješiti i preklapanje takmičenja ski trčanja i biatonaca odnosno takičara koji nastupaju u oba sporta.

Milovan Jevtović je rekao da UO treba da prihvati ovu sadašnju strategiju a da je potrebno napisati akcioni plan koji će detaljno prikazati prioritete sa načinom realizacije. Predložio je da je potrebno da sjednu svi predstavnici klubova koji se bave biatlonom. Lasica Zdravko je rekao da nema potrebe da se širi to izvan komisije i UO i da za to nema potrebe. Svi klubovi imaju svoje predstavnike u komisiji.

Jasmin Mehić je naglasio na početku da nije duboko u tematici niti biatlona niti ski trčanja i postavlja pitanje za šta konkretno treba UO da glasa. Podržao je prijedlog da iz ovoga treba da proizađe neki operativni plan za narednu godinu koji treba da se usvoji na UO. Predložio je da Zdravko Lasica kao koordinator treba da predstavi tu strategiju. Također je naglasio da je potrebno riješiti možda čak već i danas o preklapanjima dva sporta i načinu odabira sportova i potrošnje sredstava od strane takmičara. Jasmin Mehić smatra da se treba podvući tačne granice sa jasno naznačenim segmentima koji se preklapaju do koje mjere i u kojem periodu. Kao npr. pripremni period je zajendički a nakon toga treba da se odluči koji takmičar će gdje nastupiti te eventualno reći da pojedini takmičari trebaju da nastupe i u drugom sportu zbog finansijskih sredstava. U tom slučaju to bi bio revijalni nastup a ne treba da se traži rezultat.

Milovan Jevtović je rekao da će to uvijek biti problem jer u BiH ima puno više trka dok u biatlonu sao Državno prvenstvo.

Jelena Dojčinović je naglasila da je potrebno da se razdvoje reprezentacije i u načinu finansiranja. Smatra da Savez ne može snositi troškove jednako i za juniore, omladince, te A reprezentativce. Trenutna situacija je da je svima sve plaćeno i tako dolazi do gubljenja motiva kod pojedinih takmičara.

Mumović Goran je rekao da nisu napravljene detaljnije analize jer se nije ni znalo šta će se konkretno raditi. Kada je u pitanju nastupanje takmičara u oba sporta to je nemoguće riješiti jer se niti jednom takmičaru ne može zabraniti da nastupa ni u biatlonu ni u ski trčanju.

Što je rekao Lasica dešava se da neko od takmičara kaže ne znam bi li vozila. To je logično rekao je Mumović jer je jako teško motivisati takmičare da treniraju dnevno u smislu da voze po 25 km a pri tome nemaju ništa od toga. Veoma je teška situacija kada je to u pitanju.

Ismar Biogradlić je rekao da sve ovo što se navelo su tekući problemi od sezone do sezone. Potrebno je ići u srž problema i probati riješiti problem dvojnih nastupanja itd. Neophodno je ove stvari od početka rješavati, da se ne bi doveli u situaciju da svake sezone rješavamo iste probleme.

Goran Mumović je naglasio da je u biatlonu sistem finansiranja drugačiji u odnosu na FIS. Potrebno je ići na takmičenje sa što više takmičara kako bi se dobilo više sredstava.

Vladimir Lučić se složio sa kolegama koji su govorili a ne predstavljaju biatlon i ski trčanje i naglasio da je ovo nepripremljena sjednica. Nikada se nije desilo da su se na sjednicama UO pravili problemi oko donošenja odluka kada je u pitanju biatlon. Sve se usvajalo onako kako je komisija predlagala i kako su vodili članovi UO koji predstavljaju taj sport. Ovdje je potrebno riješiti da li je potreban trener reprezentacije, kako omasoviti biatlon, kako stimulirati takmičare koji to zaslužuju. A kada je u pitanju raspodjela sredstava uvijek će podržati stav komisije.

Jasmin Mehić se složio da je veoma teško motivirati djecu da se bave sportom koji nije adrenalinski, ali je podržao i što je Jelena Dojčinović rekla. Trebalo bi razmisliti unutar budžeta kako onima koji su bolji dati im nešto više, pa je naveo primjer ljetne stipendije. Ako su svi jednaki u finansiranju to nije dobro, isto tako nije dobro da takmičar ima stav da je on taj koji je donio sredstva savezu. Moramo biti svjesni da takmičar ne donosi sredstav Savezu već to savez kao institucija dobija na osnovu učešće a koji je uložio u te takmičare naglasio je Mehić.

Milovan Jevtović je rekao da je predloženo da se boljim takmičarima pruže bolji uslovi ali ne u smislu finansijskih sredstava već u smislu opreme, kampova itd.

Zdravko Lasica je epored svega navedeno ponovo zamolio UO da se donese zaključak da se vrata sredstva za razvoj biatlona u iznosu od 48.000 KM i da se napravi strategija o razvoju mladih.

Đelal Hasečić je rekao da u ovoj diskusiji imamo dosta dobrih ideja, sada se postavlja pitanje da li će se raditi po starom ili ćemo pokušati po novom sistemu, pokušati razvojnu komponentu globalno definisati. Druga je stručna komponenta, postavio je pitanje da li je ovo bolje da se povremeno angažuju ili da se zaista imenuje trener reprezentacije koji će formalno pravno i finansijski biti vezan. Pozvao je komisiju kao i članove UO da se o ovome razisli. U tom smislu Hasečić daje podršku za razvoj mladih i da se u što kraćem roku dostavi Strategija razvoja mladih.

Miro Đukić je rekao da ova razvojna grupa mladih treba imati prioritet na EYOF ekipu i da strategija treba da bude minimalno za dvije godine. Mumović je rekao da je moguće sada napraviti program do nove godine a poslije produžavati. Đukić je također pozvao komisiju da dostavi prijedloge oko trenera.

Muović je rekao da nije problem angažovati već je problem ko.

Dojčinović je rekla da ovdje nije smao riječ o angažovanju trenera kako bi to samo imali reda radi, već je to potrebno napraviti da bi uspostavili sistem odgovornosti. Ako savez uloži preko 100.000 KM u nešto onda bi se trebalo znati i ko je odgovoran za potrošnju istih, neophodno je definisati ciljeve koji će biti realni u skladu sa budžetom, ali i za iste odgovarati. Đukić se složio sa Dojčinović. Zdravko Lasica je zamolio da kao što je to slučaj i u alpskoj komisiji, trener treba da podnosi godišnji izvještaj a ne komisija općenito. Kao primjer je naveo rezultate Tanje Košarac čiji se veoma dobri rezultati baš i nisu puno spominjali u izvještajima. A manje više je nebitno kako je koji trener plaćen. Također je zamolio generalnog sekretara da mu šalje izvještaje o potrošnji kada je u pitanju biatlon.

Miro Đukić je ponovio zaključke: prihvata se da se sredstva za razvoj za to i troši kao i za sve ostalo, da se napravi strategija za razvoj mlade reprezentacije sa prioritetom na EYOF i da se razmotre opcije trenera za reprezentacije koji će podnositi izvještaje i odgovarati za iste. Svi su se jednoglasno složili sa zaključcima.

Dojčinović je rekla da se nije našlo rješenje kako ukomponovati preklapanje ski trčanja i biatlona, da se jasno definiše kako se troši koji novac i pod kojim uslovima. Miro Đukić je rekao da je to teško razdvojiti i da će vrijeme pokazati ko u kojem sportu više pripada.

Zatim se za riječ javio Goran Santrač, član komisije za ski trčanje koji smatra da je rješenje da se sportisti izjasne na kraju jedne sezone za narednu i to tako da se razdvoji opremanje, kao i pripremni period.

Zdravko Lasica se u potpunosti slaže sa prijedlogom Gorana.

Dojčinović se ponovo vratila na početak sjednice kada je Lasica govorio da ne ože jedna osoba biti i u komisiji, i član odbora i koordinator. Đukić se također slaže da to nije u redu. Na kraju se dogovorilo da to sada ne treba mjenjati već treba sačekati izbornu skupštinu i gledati da se to ne ponovi.

Miro Đukić je rekao da su usvojeni zaključci koje je maloprije ponovio.

Druga tačka ove tematske sjednice je Ski trčanje te pozvao na raspravu s tim da je naglasio da koordinator i predsjednik komisije nisu prisutni.

Miro Đukić je rekao da ni materijal nije dobar s obzirom da se radi o tematskoj sjednici što je podržao i Hasečić ali ipak pozvao da se nešto pokuša riješiti barem na hitn apitanja. Zoran Škipina je rekao da je ključno odrediti kriterije za izbor reprezentacije s obzirom da je ista sada preopširna po sadašnjim pravilima. Dojčinović je napomenula da se radi o kriterijima odnosno pravilniku koji je bio razmatran na sjednici UO u 2016. godini i da je isti odbijen te pozvala Zdravku Lasica da detaljnije objasni s obzirom da je dosta učestvovao u raspravi kriterija a to je ponajviše se odnosil ona tabelu gdje su prikazani timovi i bodovi. Dojčinović je naglasila da je zaista neophodno promjeniti pravilnik jer trenutno imamo veliki broj reprezentativaca a razlika u kvaliteti između pojedinih je prevelika.

Zatim se za riječ javio Zdravko Lasica koji je rekao da je mnogo bolja situacija u ski trčanju nego u biatlonu. Ipak vezat će se na ono o čemu je Dojčinović govorila. Poznato je da je UO usvojio Pravilnik o reprezentacijama, a zatim se dobija novi prijedlog pravilnika i to samo zbog tabele gdje se navod ekriterije. Zdravko Lasica je želio da pomogne pa je u prijedlog pravilnika dodao neke stari koje su već navođene u Pravilniku o reprezentacijama. Kada je u pitanju sama tabela ona može da stoji ali i ne mora unutar pravilnika i o kojoj se može raspravljati. Druga tačka koja je bitna je trener reprezentacije. To je jedini sport gdje nemamo ni nominalno trenera reprezentacije Ski trčanja, što je nužno kako ne bi dolazili u situaciju da koordinator i član upravnog odbor ali i komisije skuplja glasove članova UO kako bi otišao na kamp. Laica smatra da ski trčanje ima novca da se plati trener jer j ei navedeno u budžetu da se na trenere potroši preko 7.000 KM, još ako se izme nekih 2.5000 KM pa se doda to je skoro 10.000 KM. Toliko od Zdravke ali je još jednom napomenuo da komisija z aski trčanje radi dobro. Kada j eu pitanju tabela treba da bude A reprezentacija ispod 100 bodova ali za sve. Trea svi da se bore da u nju uđu u pritivnom su B reprezentacija ili neka druga. Goran Santrač je rekao da se ova tabela ne odnosi na takmičarski već samo na pripremni period kako bi se pokušalo motivisati kako i one mlađe tako i starije koji su za to zaslužni. Zdravko Lasica je rekao da to tako nije napisano.

Milovan Jevtović je rekao da radi o tome da uvijek moramo ostavljati šansu drugima pogotovo mlađima i to je razlog tabele gdje mlađi takmičari sa više bodova mogu biti u A reprezentaciji isto kao i stariji takmičari koji imaju manje bodova. Smatra da je dobar prijedlog a može se govoriti o nijansama odnosno vrijednosti rezultata omladinaca i seniora. Čisti primjer za to je i Mladen Plakalović koji je kao omladinac nastupao i na olimpijadi.

Miro Đukić je rekao da ga čudi s obzirom da je komisija za ski trčanje uvijek pripremala dobre i kvalitene materijale, da se tematska sjednic akoristi samo radi pravilnika. Tematska sjednica treba da ima za cilj kako razvijati sport kako rješavati probleme iz srži.

Goran Mumović se javio za riječ i rekao da svi dobro znaju ko koliko vrijedi. Navodi primjer Juniora sa 150 bodova pa postavlja pitanje gdje su se juniori takmičili sa svojim godištem van BiH. Iz tog razloga treba za sve iste bodove praviti jer se nikada nisu takmičili u svojoj kategoriji već uvijek sa onim starijim. Veoma je teško napraviti pravilnik jer treba da postoji sistem što

mogu velike države. Dojčinović je rekla po trenutnm pravilniku nije pošteno jer je previše reprezentativaca a savez nema dovoljno serdstava za sve.

Vlado Lučić smatra da je neophodno pooštriti kriterije jer je nemoguće imati reprezentaciju sa ovako velikim brojem takmičara već to sve svesti na minimum i kvalitetno ih finansirati pa probati i angažovati profesionalno trenera. Ako je moguće treba praviti skale ali u smislu Juniorskog tima, A tima itd.

Miro Đukić je rekao da je ovo isto bilo na sjednici UO i da je odbijeno pa poziva sve na neki prijedlog. Zoran Škipina je zatim protumačio tabelu u smilu da postoji A tim, Juniorski tim, Omladinski tim, a ne kao što svi ostali tumače da su i juniori sa većim bodoima i omladinci sa još veći u A timu zajendo sa seniorima ispod 100 bodova. Zoran Škipina je ponovio da prema tabeli imamo četiri različita tima po uzrasnim kategorijama a ne da su A tim i seniori i juniori i omladinci, već su to sve različite reprezentacije. Dojčinović je rekla da nije jasno definisano šta prema ovoj tabeli koju je tumačio Zoran Škipina ima A Seniorski tim, A Juniorski tim, A omladinski tim, kako se finasniraju, ko na koja takmičenja ide. Dojčinović je ponovila da je došlo do nesporazuma i da tabela sada uopšte nije jasna s obzirom da imamo dva različita tumačenja.

Nakon kraće rasprave zaključeno je da se doradi pravilnik odnosno kriteriji – tabela i decidno ga sporvesti kroz budžet po timovima. Jednoglasno je usvojen zaključak. Također je zaključeno da treba da se predloži ko će formalno biti trener reprezentacije i ko će za istu biti odgovoran.

Ovime je zavšena tematska sjednica.

Sjednica je završena u 20.00 sati.

Originalni materijali sa sjednice Upravnog odbora Ski saveza BiH prilažu se primjerku Zapisnika koji se odlaže u arhivu Ski saveza BiH.

Sarajevo,  
13.09.2017.

Zapisnik vodila  
Jelena Dojčinović

Predsjednik  
Miro Đukić